

De volgende schlagers stammen uit **Eijgelshoven** en werden gecomponeerd voor leerlingen van de **Anselschool** (LO) en Kleuterschool **St. Gabriël**, naderhand samen **R.K. Basisschool “de Ansel”** genoemd.

## “Bokseberger Sjoenkelwals”

( **Sjoeëlsjager 1982** tekst: Jean Paulssen, moeziek: Guy Hoenen)

**Refrein:**

**Boksebeuëmkes en Sjlauberger  
pakt uch in d'r erm  
vier viere same karnaval  
en sjoenkele os lekker werm  
want ins in 't joar mit karnaval  
dan zint vier richtig dol  
dan zinge en dan sjpringe vier en make same lol! (2x)**

Gidder joar mit karnaval  
krient vier 't in d'r kop  
doabeij inne kriebel in de bee  
d'r blootdruk geet erop  
zitte kenne vier nit mieë  
vier kenne allee mar sjtoa  
dan vange die bee te sjpringe aa  
vier loate os lekker goa!

**Refrein**

Kinger allenuij verkleijd  
zint heij huu bei-jee  
groeët en kling dat is gewis  
in vrundsjap ongeree  
zoeë moeët 't egelik ummer zieë  
wie noen mit karnaval  
o wie sjun wuuër dan de welt  
drum zinge vier noen all!

**Refrein**

## “Hoelala die troelala”

(**Sjoeëlsjager 1983** tekst: Jean Paulssen, moeziek: Guy Hoenen)

### 1.

In de Hoeëpel, joa doa woeëne vier  
jonk en oad beiee  
't gevilt os allemoal prima doa  
't is vrundsjaft ongeree.  
En kunt de tied va carnaval  
dan weëd de Hoeëpel gek  
me sijnapt zich inne angere vas  
dan makt de Hoeëpel sjpas

#### Refrein:

Van je hoela die hoela, die hoela-la-la-la  
van je troela die troela, die troela-la-la-la  
van je hoela die troela, doe bis inne Bokseboam  
en werm inne kieër opnuij, mar hoal dan waal deëp oam.  
Van je hoela die hoela, die hoela-la-la-la  
van je troela die troela, die troela-la-la-la  
van je hoela die troela, doe bis inne Bokseboam  
en werm inne kieër opnuij, mar hoal dan waal deëp oam.

### 2.

Op Gabriël en Anselsjoeël  
doe lieëre vier inne boel  
zoeëwie 't bingde van de sjooën  
en soms get van de koel.  
Mar kunt de tied va carnaval  
dan is dat nuuj gedoe  
de banke, alles an de kant  
wat klinkt durch 't Hoeëpeler land?

#### Refrein

## “Verklei-je”

(Sjoeëlsjager 1984 tekst: Jean Paulssen, moeziek: Guy Hoenen)

### Refrein:

Verklei-je en 't masker op  
zet alles op d'r kop  
vier houwe feste op de trom  
't is karnaval, tsieng boem  
vier houwe feste op de trom,  
't is karnaval, tsieng bom.

### 1<sup>e</sup> couplet:

Ee gans joar noa de sjoeël tow goa  
dat vilt nit ummer mit  
doabei dat rekene en dat taal  
wat me zoeë duks vergit  
de breuke en de teuëfelkes  
de sjteë va Nederland  
mar kunt de tied van klarnaval  
geet alles an de kant!

Refrein

### 2<sup>e</sup> couplet:

De Sjlauberger en de Boksebeuëm  
die dont och feste mit  
die viere richtig karnaval  
karnaval mit pit  
ze laache, amuseëre zich  
gont same hand in hand  
want in de tied van karnaval  
dan sjpringe ze oet d'r band.

Refrein

## “ ’t trumke”

( **Sjoeëlsjager 1985** Tekst: Jean Paulssen, moeziek: Guy Hoenen)

### Refrein:

Ich huij zoeë geër ee trumke  
rommele-bommele-bom-bom-bom  
wie sjun wuuër dan mieë leëve  
och huij ich toch zoeë ing trom  
mit karnaval marsjeëre  
mit ee trumke op d'r boeëk  
noa links en dan werm reëts erom  
wie sjun is toch zoeë ing trom  
noa links en dan werm reëts erom  
wie sjun is toch zoeë ing trom.

1. 't Frenske woar als klinge jong  
ee menke vol bravoer  
heë sjloog mit vruijd op alle put  
wie inne richtige tanboer  
en gong de rees op Heële aa  
dan zong d'r klinge man  
“och mam, och allerleëfste mam,  
wits du wat ich wil han?”

Refrein

2. Is noen d'r tied van karnaval  
da gont vier hand in hand  
vier houwe kreftig op de kis  
vier zint oet rand en band  
went vier dan an 't trekke zint  
wat misse vier mit alleman  
wat huije vier toch zoeë geer  
wat wille vier allemoale han?

Refrein

## “ Olé, alaaf de Ansel”

(**Sjoeëlsjager 1986** Tekst: Jean Paulssen, moeziek: Guy Hoenen)

### Refrein:

Ansel alaaf, Ansel olé  
Ansel joechaa, Ansel joechee  
Ansel alaaf, Ansel olé  
Ansel joechaa, doe bis oké  
doe bis ing sjoeël die telt  
de sjunste op dis welt  
Ansel joechaa, Ansel olé  
doe bis ing sjoeël die telt  
de sjunste op dis welt  
Ansel joechaa, Ansel olé.

### Couplet 1:

Paries hat ziene Eifeltöerm  
en Kölle ziene Dom  
Kirkroa ziene Joepeman  
en vier “A genne Komm”  
want doa is ozze karnaval  
doe kome vier bei-jee  
doe zinge en doe sjpringe vier  
de ganse sjoeël mitee!

**Refrein**

### Couplet 2:

Brussel hat zie menneke  
Jan Klaasse zie Katrijn  
vier, vier hont de gekste zin  
dat vinge vier zoeë fijn  
vier make sjpas va groeët bis kling  
en zinge dat 't knalt  
want Sjlauberger wete wie 't mot  
zoeë is Sjoeëlkarnaval!

**Refrein**

## “Os nuij sjoëël”

(**Sjoeëlsjager 1987** Weuëd: Jean Paulssen, moeziek: Guy Hoenen)

### **Refrein:**

**vier krient de sjunste sjoëël  
de allersjunste sjoëël  
de sjunste sjoëël va Kirkroa  
want in os eëge Muuëleveld  
is dan nieks dat os nog fellet  
os nui-je Ansel zal d'r sjtoa!**

1. Mit get kies en cement  
sjtorte vier 't fundament  
en zoeë vingt 't bouwe aa  
mit get hoot en get sjting  
bouwe vier noa d'r himmel in  
os sjoëël mit alles drop en draa

### **Refrein**

2. Dan de banke en de sjteuël  
alles sjiek, wat ee geveuël  
alles blinkt en ruuëkt noa nuij  
vier gont mit mieë plezeër  
noa os eëge Ansel heër  
want 't lieëre makt nit muij

### **Refrein**

## **“D’r chocalade cha-cha-cha”**

(**Sjoeëlsjager 1988** bij ‘t 22-joarig jubileum van de Sjlauberger van de Ansel)  
Weuëd: Jean Paulssen, moeziek: Guy Hoenen

### **Refrein:**

**Kom dans mit mich  
d’r chocalade, chocalade cha-cha-cha  
noen kiek ins good,  
dan witste wie ‘t geet  
deë chocalade, chocalade cha-cha-cha  
Is ‘t sjunste, dat besjteet.**

### **Couplet 1:**

De Sjlauberger van de Ansel  
die zint garoet nit sjtief  
dat zieste went ze danse  
ze hont ritme in ‘t lief  
en kunt d’r vasteloavend  
dan is ‘t cha-cha-cha  
drum danse vier noen same  
d’r chocalade cha-cha-cha.

### **Refrein.....**

### **Couplet 2:**

Al 22 joare  
weëd karnaval gevierd  
oet Egelze of woavandan  
doe has ‘t zoeë gelieërd  
blief doarum noen nit zitte  
vier danse cha-cha-cha  
dat dont vier allemoal same  
d’r chocalade cha-cha-cha.

### **Refrein.....**

## d'r klonewals

(**Sjoeëlsjager 1989** Weuëd : Jean Paulssen, moeziek : Guy Hoenen)

**Refrein (2x):  
ich inne kloon  
en doe inne kloon  
van d'r hood bis an de sjoon  
weg deë grimas  
sjanap mich ins good vas  
inne kloon deë makt zich sjpas**

1<sup>e</sup> couplet:

Os vasteloavend is werm doa  
dat merkste zieëker wal  
verkleijde kinger oppen sjtroat  
verkleijde uuëveral  
mar wat is toch 't sjunste  
't sjunste, da's gewis  
wenste inne teëgekumps  
deë 't zelfde wie dich is.

**Refrein.....**

2<sup>e</sup> couplet:

't Sjengske woar mit karnaval  
al joare cowboy-man  
d'r pap en mam gevoel dat nit  
die moeëte doa nieks van han  
dus dit joar mit de karnaval  
zint ze ing kieër gelieëk  
gans hell sjalt 't durch d'r zaal  
en zingt de ganse kliek

**Refrein.....**



## “ d’r Sjelleboom ”

(**sjoeëlsjager 1990** van de Sjlauberger)  
weuëd: Jean Paulssen, moeziek: Guy Hoenen

### 1.

d’r Niekela sjpilt monneka  
d’r Frens de klarinet  
't Triena, dat huijt op de trom  
d’r Hoebeët bliest trompet  
en vier, vier sjtont nit an de kant  
vier make och krawal  
dat dont vier mit d’r sjelleboom  
dat is ja karnaval

**Refrein:**  
**vier zinge koom**  
**mit d’r sjelleboom**  
**doog nit zoeë sjloom**  
**vier sjpieële sjelleboom**  
**lot de belle sjelle, sjelle dat ’t knalt**  
**sjelleboom, sjelleboom ’t is ja karnaval**

### 2.

de oma die sjtrieëkt violieng  
d’r opa blieëst d’r bas  
de tant die sjpilt de beatgitaar  
de moeziek makt hun sjpas  
och vier vier sjtont nit an de kant  
vier make och krawal  
dat dont vier mit d’r sjelleboom  
dat is ja karnaval

**Refrein.....**

## “ellef = 11 = ellef”

(**Sjlager Anselsjoeël 1993** Tekste: Jean Paulssen, moeziek: Guy Hoenen)

### Refrein:

**1 en 1 is ellef  
dat is ja vanzellef  
de ellef is ee sjun getal  
doavan weëd alles gek  
de ellef makt os al verrukt  
de ellef makt os gek!!**

1. de 1 die sjteet mar op ee bee  
de 2 liekt op ing ent  
de 3 hat inne dikke boeëk  
mit 4 weëste sjtudent  
ing 5 die krieste in de boks  
de 6 die gieft dich mood  
mit ing 7 op 't sjoeëlrapport  
weëd alles langzaam good

***noen telle, telle, telle....doe kans dich nit verhelle  
1-2-3-4-5-6-7-8-9-10-11.....  
Refrein.....***

2. de 8 is nul en nul opee  
wie ee pupke oane get  
de 9 hat inne sjtats  
da moste al noa bed  
de 10 is koppel ee en nul  
die gont noeëts oeteree  
de 11 is os fesgetal  
da's sjlagerjubilee

***noen telle, telle, telle....doe kans dich nit verhelle  
1-2-3-4-5-6-7-8-9-10-11.....  
Refrein.....***

## “Deërekarnaval”

(**Sjlager 1994** van de Anselsjoeël Weuëd: Jean Paulssen, moeziek Guy Hoenen)

**Refrein: Alle deëre op de welt dont gek  
wauw-wauw, miauw, iaa, kwek-kwek  
meh-meh, beh-beh, boeboe, mek-mek  
alle deëre op de welt dont gek, dont gek**

1. De deërewelt viert karnaval  
dat is och wal te zieë  
't verke hat inne lange sjlurf  
de sjlek lupt wie ee rieë  
't peëd dat hat ing lange naas  
en kakelt an ee sjtuk  
d'r honk deë legt alwerm ee ei  
de deëre zint verrukt.

*drum zinge vier noen al  
da's deërekarnaval.....*

**Refrein.....**

2. De kow die sjokkelt links en reëts  
ze danst wie bij ballet  
de honder hont ee hudje op  
't sjoap dat blieëst trompet  
d'r vusj deë zing va hoelala  
de geet is indiaan  
de ende koekeloëere sjeël  
d'r eëzel is banaan.

*drum zinge vier noen al  
da's deërekarnaval.....*

**Refrein.....**

## “ d’r Ansel samba ”

(Sjoeëlsjager 1995 tekst: Jean Paulssen, moeziek: Guy Hoenen)

**refrein:**  
**caramba, caramba**  
**de Ansel danst d’r samba**  
**mit Vasteloavend drieënt zich alles ronk**  
**caramba, caramba**  
**de Ansel dant d’r samba**  
**deë balla-balla-bamba, deë samba hult os jonk.**

ieësjte couplet:  
oet Rio kunt d’r sambadans  
doa danse ze mit pit  
mar och vier heij oet Egelze  
vier wete wie ’t zit  
en huuëre vier de moeziek  
en huuëre vier de trom  
da beginne vier te drieëne  
d’r samba huijt os om.

**refrein.....**

twieëde couplet:  
d’r Vasteloavend is noen doa  
dreij daag is gidder dol  
d’r optoch deë trukt durch gen durp  
vier sjpringe en hant lol  
en huuëre vier de moeziek  
en huuëre vier de trom  
da beginne vier te drieëne  
d’r samba huijt os om.

**refrein.....**

## “ Sjlau”

(**Sjlager** van de Sjlauberger van de Anselsoeël **1996**)  
Moeziek: d'r Guy Hoenen, weued: d'r Jean Paulssen

**refrein ( 2x ):**

**inne Sjlauberger deë is sjlau  
deë wit alles gans genau  
en wat heë nit wit dat kriet heë gelieërd  
heë hat op de Ansel sjtudieërd**

1<sup>e</sup> couplet:

“merci” dat zeët d'r Fransoeës  
ing “box” is ing Ingelsje doeës  
inne vots weëd dukker tot sjtorm  
en Rimborg dat likt an de Worm  
mit de koele is 't gedoa  
ee durpke is Kirkroa  
os Egelze is pas ing sjtad  
en friete dat sjmakt wie patat.

**refrein.....**

2<sup>e</sup> couplet:

inne sjoon hat va vuuëre ing naas  
de poasj-eier die bringt d'r haas  
“lolla rossa”is rossige sjlaat  
die weëd verkocht op d'r maat  
mit ee brilke kenste good zieë  
inne knieën vrit 't leefste get klieë  
noen breëke vier os nit mieë d'r kop  
wat vier nit wete dat zeuëke vier op.

**refrein.....**

## “d’r krisboom”

(**sjoeëlsjager 1997** van “de Ansel” Moeziek: Guy Hoenen, tekst Jean Paulssen)

### refrein:

**vier hont ze nit nuij- nuij-nuij op d’r krisboom  
wat inne kuij-kuij-kuij met deë krisboom  
de welt is gek-gek, vier hont ze nit mieë al  
heij is ’t ummer-ummer-ummer karnaval  
de welt is gek-gek, vier hont ze nit mieë al  
heij is ’t ummer-ummer-ummer karnaval**

1. d’r zoeëmer is nog nit vuuërbeij  
de zon brent op de prie  
doa geet ’t al werm richtig loos  
mit gans get fantasie  
d’r Tsinterkloas en Sjwatte Piet  
te vreuëg, te vreuëg en wie  
de kassa rinkelt, rammelt al  
da’s good vuuër de ekonomie      **refrein.....**
  
2. de Krismes vingt och vreuëger aa  
oktober op z’n minst  
mit beuëm en bul en glitterkroam  
hoera, tel oet de winst  
noa Krismes weëd d’r haas gesjnap  
de eier sjtont al kloar  
mar iesj kunt nog d’r karnaval  
of is ’t dat ’t ganse joar?      **refrein.....**

## “Gekke..... heij op aa !”

( **Sjlager 1998** van de Sjlauberger van de Ansel oet Egelze)  
Moeziek: d'r Guy Hoenen, weuëd: d'r Jean Paulssen

refrein:

tuu-tuu, taa-taa

tuu-tuu, taa-taa

alle gekke heij op aa

de Ansel sjteet op d'r kop, die is finaal beklopt

de Ansel sjteet op d'r kop, die is finaal beklopt

iesjite couplet:

gidder joar mit karnaval

is 't inne durch-e-ree

allemaal vier Sjlauberger

hange wie klit an-ee

't is oad en jonk en groeët en kling

vier pakke os bij-ee

vier zinge, houwe op de trom

en blieve op de bee.

refrein.....

twieëde couplet:

lieëre mit de karnaval

is nit d'r juuste hit

reëkene en al deë kroam

dat wille vier dan nit

evvel zinge en och gymnastiek

gieëft os d'r juuste pit

dat hulpt os durch d'r karnaval

dat hult os richtig fit

refrein.....

## “d’r Boemeltrein”

(boemele uuëver ’t Miljoenelijntje, **sjoëëlsjager Ansel 1999**)

Moeziek: d’r Guy Hoenen, weuëd: d’r Jean Paulssen

### couplet 1:

vreuëger voor d’r boemeltrein  
durch Egelze en wieër  
sjwamend en mit veuël gepuf  
dat zoogste gidder kieër  
d’r berg erop, d’r berg eraaf  
zoeë koom heë fleutend aa  
gidderinne vruijet zich  
en alles zong hoera

### **refrein:**

**sjoeke-sjoeke-boemeltrein  
huuër ins wie heë flut  
alle gekke hingeree  
sjoeke fut-fut-fut  
sjokkelend mit karnaval  
op os Miljoenelijntje  
sjoeke-sjoeke puf-puf-puf  
in d’r boemeltrein**

### couplet 2:

helle vier noen boemeltrein  
pakt uch richtig vas  
allenui-je hingeree  
jong wat hont vier sjpas  
’t durp erop, ’t durp eraaf  
zoeë komme vier d’r aa  
alle luj die vrui-je zich  
en zinge hel hoera.

**refrein.....**



## “Eviva Vasteloavend”

(**Jubileumsjager oet 2000** beij 33 joar Sjlauberger van de Anselsjoeël)  
Moeziek: meester Guy Hoenen, weuëd: meester Jean Paulssen

**refrein:**

**Eviva-viva Vasteloavend, noen houw mar op de kis  
Eviva-viva Vasteloavend, 't sjunste wat d'r is  
Eviva-viva Vasteloavend, alaaf zingt groeët en klee  
Eviva-vivalaaf olé, alaaf vuuër groeët en klee (2x)**

1. richtig Vasteloavend-viere  
begint va klee-af-aa  
al bij 't iesjte kroepe  
krieste ee peksjke aa  
du vings dan aa te sjpringe  
te sjokkele in d'r waan  
zint dat de iesjte tekens  
vingt 't gedeuëns zoeë aa??? **refrein.....**
2. weéste ee bietje groeëter  
is de sjoeël ee volgend doel  
lieëre ze dich doa Vasteloavend  
ongeree, want da's pas cool  
dat reëkene, deë sjoeëlse breuëzel  
dat is os ram egaal  
want Vasteloavend viere  
dat wille vier dan waal!!!!!! **refrein.....**
3. al 33 joare  
is 't Sjlaubergerkarnaval  
os sietzoenge zint klasse  
dat wit me uuëveral  
vier Sjlauberger van de Ansel  
vier zint garoet nit dom  
vier lieëre 't os kingerkes  
en zingt d'r ganse Komm!!!! **refrein.....**